



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Հրատարակումը Վ. Գալստեանի

№ 25

ՅՈՎ. ԹՈՒՄԱՆԵԱՆ



Գ Ի Ք Ո Ր Ը

արատուպամ «Համկեր» տպագրից)




Թ Ի Յ Լ Ի Ս

Երևանում տպումն «ՀԵՐՄԵՆ» ԸՆԿ., Մալաթ. փող., № 5.

1907 թ.

(251)

1.990
-95



6666

Հրատարակություն Գ. Գալսեանի

2011-05

891.99 Մ

№ 25

5
14
3

Ք-95

Յով. ԹՈՒՄԱՆԵԱՆ

ԱՄ

Գ Ի Բ Ո Ր Ը

1001
1635

Գ Ի Բ Ո Ր Ը

Գ Ի Բ Ո Ր Ը

Թ Ի Ն Լ Ի Ս

Երևանի տպարան «ՀԵՐՄԷՍ» ԲՆԿ., Մաղաք. փող., № 5.

1907 թ.

(229)

9

Գ Ի Ք Ո Ր Ը

1



իւղացի Համբօի տունը կռիւ էր ընկել:

Համբօն ուզում էր իր

տասներկու տարեկան Գիբորին տանի քաղաք մի գործի տայ, որ մարդ զառնայ, աշխատանք անի: Կինը չէր համաձայնում:

— Ձեմ ուզում, իմ բօրփա երէլսին էն քեաֆուր աշխարքը մի գցիլ, չեմ ուզում, — լալիս էր կինը: Բայց Համբօն չը լսեց:

Մի խաղաղ, գեղեցիկ առաւօտ էր. մի տխուր առաւօտ: Տանըցիք ու հարեանները եկան մինչև գիւղի ծայրը, Գիբորի թշերը պաշեցին ու ճամփա դրին:

Քոյրը, Չանին լաց էր լինում, իսկ փոքրիկ Գալօն մօր գրկից ձայն էր տալի — «Գիբոր, էտ ուլ ես գնում, հէ Գիբոր»:

Գիբորը շուտ շուտ ետ էր նայում: Տեսնում էր գեռ գիւղի ծայրին կանգնած են նրանք ու մայրը

գոգնոցով սրբում է աչքերը: Դարձեալ հօր կողքով վազում կամ առաջն էր ընկնում: Մին էլ ետ նայեց. դիւղը ծածկել էր բլուրի ետև:

Այնուհետև Գիբորը ետ էր ընկնում:

— Արի հա, Գիբոր ջան, արի հա, հասանք հա, — որդուն կանչելով գնում էր Համբօն, շալակին մի խուրջին, մէջը մի բանի հաց ու պանիք ու մի երկու դաստա թուրթուն:

Իրիկնապահին, երբ անց էին կենում սարերը, միանգամ էլ երևաց գիւղը հեռու մշուշում:

— Այ, ապի, մեր տունն էն ա հա, — ցոյց տուա Գիբորը՝ մատը մեկնելով դէպի գիւղը, թէև տունը իսկի չէր երևում, ու անցան:

Առաջին իրիկունը դոնախ ընկան մի գիւղում: Տանտէրը Համբօի հին ծանօթն էր:

Դեղին սամօվարը թշուր էր տախտի ծէրին: Մի ջահել աղջիկ շրթակշրթակացնելով բաժակները լւանում ու թէյ էր շինում: Նա մի կարմիր սիրուն շոր ունէր հագին: Գիբորն էնտեղ մտքումը դրեց, որ երբ քաղաքում փող աշխատի, իրենց Չաննի համար մի էնտեսակ շոր դարկի:

Handwritten signature or text at the bottom right of the page.

Իրիկնահացից ետը տանտէրն ու Համբօն թինկը տւած, չիբուխ բաշելով գրոյց էին անում: Խօսեցին Գիբորի մասին: Տանտէրը գովեց Համբօն, որ շարչարում էր որդուն մարդ շինի: Յետոյ սկսեցին խօսել կուի վրայ, հացի թանգութեան վրա, բայց Գիբորը շատ էր յողնած, քունը տարաւ:

Միւս օրը բաղար մտան: Գնացին ձերտնի թաւաշու մօտ: Առաւօտը բազարն իջան:

— Բիձա, էդ երեխին ծառայ ես տալնու, — խանութի ներսից հարցրեց մի վաճառական:

— Հրամանք ես, — ասաւ Համբօն ու Գիբորին էն կողմը հրեց:

— Բեր ինձ տուր, ես կը բռնեմ, — առաջարկեց վաճառականը:

Նրան ասում էին բազազ Արտեմ:

2

Համբօն բաղարում Գիբորին ծառայ տաւ բազազ Արտեմի տանը: Պայմանն էն էր, որ Գիբորը պէտք է տունը մարբէր, ամանները լւանար, ոտնամանները սրբէր, դուրանը բաժին տանէր, ու էս տեսակ մանր ծառայութիւններ, մինչև մի տարի:

Մի տարուց ետը բազազը նրան պէտք է տանէր դուրան, շինէր դուրանի «աշակերտ», ու Լօպէս Գիբորը պէտք է բարձրանար:

— Հինգ տարի դեռ փող չեմ տալ, — ասաւ բազազը պայմանը կապելիս: — Թէ գրուտը կուգես, դեռ դու պէտք է տաս, որ բու

որդին բան է սովորելու: Ախար իսկի բան չըզիտի...

— Արտեղից գիտենայ, խաղէյին ջան, — պատասխանեց Համբօն, — որ գիտենար, էլ ո՛ր կըբերէի, ես էլ բերել եմ, որ բան սովորի...

— Կըստովորի, ամեն բան կըստովորի: Էնպէս սովորի ո՛ր... ձեր կողմերից էն Նիկօյն ինչ է, որ իրեն համար դուքան ունի բաց արած, նա էլ ինձ մօտ է մարդ դառել: Ամա վերջում մի ջուխտ շայի գդալ ու մի բանի բան գոզացաւ...

— 2է, խաղէյին ջան, սա գոգողանալ չի: Որ էդպէս բան անի, կը գամ կըռնիցը կը բռնեմ էն Գուռը կը գցեմ:

— Հն, որ ձեռը հալալ է՝ մարդ կը դառնայ:

— Իմ դարդն էլ էն ա, ադա ջան, որ մարդ դառնայ, լեզու սովորի, գրիկ-կարգալ սովորի, նստել-վերկենալ սովորի, մարդ ճանաչի, որ աշխարհումն ինձ նման խեղճ ու գուրկ չը մնայ... Ինքն էլ աչքաբաց երեխայ ա, մեր գեղական շկօլումն էլ գրաճանանչ ա էլէլ, գրի սեն ու սիպտակը ջոկում ա: Ամա աղաչանքս էն ա, որ լաւ մըտիկ անէր, զարիւր երեխայ ա, բօրփա ա...

Բազազը Համբօնին միամտացրեց ու դուրս գնաց բարձր ձայնով հրամայելով՝ — «Չայ բերեր, հաց բերեր սրանց համար...»

Ու հայր ու որդի նստած էին բա-

զազ Արտեմի խոհանոցում:

— Գէ, հիմի դու գիտես, Գիբոր ջան, տեսնեմ՝ ինչ տեսակ տղայ ես դուրս գալի... Հէնց պէտք է անես, որ... ես ինչ գիտեմ... Ո՛վ Տէր Աստուծ... — մռնչաց Համբօն ու չիբուխը լցրեց:

Այն ինչ Գիբորը շորս կողմն էր գիտում:

— Ապի, սրանք բուխարի շունեն:

— 2է, սրանցը փէչն ա, այ էն ա փէչը...

— Կալ էլ շունեն:

— Սրանք բաղարացի են, գեղացի հօ չեն, որ կալ կասեն:

— Բա ո՞րտեղից են հաց ուտում:

— Փողով առնում են ուտում: Հացն էլ են փողով առնում, եղն էլ, կաթն էլ, մածոնն էլ, փէտն էլ, ջուրն էլ...

— Վա...

— Բն, սրան Թիֆլիզ կասեն: Ինչ հալալ դոչազ կաց, դեռ շատ բան կիմանաս:

Ապի, սրանք ժամ ունեն...

— Ունեն բն, սրանք էլ մեզ նման հայ բրիտանեայ են: Մըտիկ արա հն — ձեռնարաշուծիւն չանես: Կարելի ա քեզ փորձելու համար փող վեր կը գցեն, մօտենաս ոչ: Թէ վերցնես էլ, տար ասա — «խանում էս ինչ փող ա, էստեղ վեր ընկած էր, ադն, էս բանն էստեղ գտայ,» թէ չէ...

— Էստեղ էլ պրիտաւ կնյ որ...

— Կայ բն... Վախտ ու անվախտ դէս դէն չընկնես, ձեռը

ընկած փողը քօռ ու փուչ շանես, հազար ու մի պակասութիւն ունենք: Քեզ էլ լաւ պահի, զիշերները բաց չըլես, մըսես ոչ... Մի մին եկողի հետ գիրը զարկի... — մերթ մերթ չիբուխը բերանից հանելով որդուն խրատում էր Համբօն: Այնինչ Գիբորը ննջում էր:

— Հացի կտորտանքն ու բարթուն կը տան, կերակուրի թերմացքը կը տան, շատ անգամ էլ իրենք կուտեն, քեզ տալ չեն, բան չը կայ ծառայի կարգն էդ ա... Օրեր են, կը մթնեն անց կը կենան...

Շարունակում էր հայրն իր խրատը, բայց Գիբորը հօրը թինկը տւած ընել էր արդէն:

Էն երկու օրը նա էնքան բան էր տեսել, էս ու էն կողմը նայել, որ յողնել էր բոլորովին:

Մըբով լիբը խանութները, դէգերի նման գարսած գոյնգոյն չիթերը, տեսակ — տեսակ խաղալիքները, ուսումնարան գնացող կամ դարձող երեխաների խմբերը, իրար ետեկից սլացող դառքերը, ուղտերի շարքերը, կանանչի բարձած աւանակները, թաբախները գլխներին կլնտօները... էս ամենի գոռոցն ու գնդոցը, աղմուկն ու աղաղակը իրար խառնած զժվրժում էր նրա գլխում: Եւ նա յողնել էր ու հօրը թինկը տւած ընել:

Էս ժամանակ բազազն ու իր կինը վիճում էին ներսը: Կինը տրտնջում էր, որ ծառան խամ էր,

Գրքի 7



Գիւորը շուտ շուտ էր նայում...

Նոր սարիցն եկած, վայրենի, իսկ մարդն ուրախ էր, որ մի բանի տարով անվարձ ծառայ էր գտել:

—Կը սովորի, հօ էդպէս չի մնալ, — ասում էր նա կնոջը:

—Կը սովորի, որդի, սիրտդ շուտ մի բերիլ, — խնդրում էր բազազի պառուս մայրը:

Բայց տիկին նատօն չէր համոզում: Նա արտասուելով անիծում էր իր բախտը:

3.

Գիւորը մենակ նստած էր բազազ Արտեմի խոհանոցում: Նա արդէն ծառայութեան մէջ էր:

Խաղէլինի հին գլխարկը մինչև ականջները կոխած գլուխը, հին ոտնամանները ոտներին, մի մաւի բլուզ էլ հագին, էսպէս ոտից գը-

լուխ փոխւած, նա նստած էր խոհանոցում ու միտք էր անում: Միտք էր անում, թէ ինչի եկաւ իրենց զիւղից, որտեղ է ընկել, հիմի ինչ պէտք է անի, ինչպէս պէտք է անի...

Էս ժամանակ ներս մտաւ տիկին նատօն:

Գիւորը տեղը նստած էր:

Տիկինը մի բան ասաւ: Գիւորը լաւ չը լսեց, թէ չը հասկացաւ:

—Քեզ չեմ ասում, տօ արջի բոթոթ:

Գիւորը շփոթուեց, քրտնեց. մին ուզեց հարցնի թէ ինչ է ասում, մին էլ սիրտ չարաւ: Աղջիկ պարօնը բարկացած դուրս գնաց:

—Ըհ, հոգեմ ձեր գլուխը, որ վայրենի էր ու գալիս էր մարդի գլխի խաթա դառնում... Ես բան

եմ ասում, նա տեղիցն էլ ժած չի գալի, մի ձէն էլ չի հանում...

—Վերջացաւ, — անցաւ Գիւորի մտքովը: — Բայց ինչ շուտ վերջացաւ... ինչ վատ վերջացաւ... Հիմի ես ինչ անեմ... հէրս էլ գնաց...

Եւ ամեն բան նա վերջացած էր համարում, երբ իրեն իրեն խօսելով ներս մտաւ սե շորերով բարի պառուսը, բազազի մայրը:

—Որ աղջիկ պարօնը ներս է գալի, տեղիցը ինչի չես կանգնում, որդի, — խրատում էր նա Գիւորին, — որ բան են հարցնում ձէն հանի... սնց կըլի էդպէս...

«Գէզին» սովորեցնում էր Գիւորին թէ ինչ պէտք է անի, ինչպէս սամօվարը դցի, ոտնամանները սրբի, չօտկը բռնի, ամանները լւանայ...

Բացի պառուս «գէզին», ամենքը նեղացնում էին նրան:

Բազազի «գուրնի աշակերտներն» էլ շարունակ ծաղրում էին նրան, «բիբի» էին կանչում, բիթը բաշում, գլխին խփում, գլխարկը կոխում ականջները:

Բայց էս բոլորը տանելի բաներ էին:

Անտանիլին էն էր, որ նա չէր կարողանում քաղցին դիմանալ: Նա իրենց տանը, երբ սովում էր, գնում էր տաշտիցը հաց էր առնում, կճուճից պանիր էր հանում, ուտելով գնում խաղալու կամ թէ չէ փէշն էր գնում, գնում հանդը: Երբ ուզում էր մի ծառի տակի կամ աղբիւրի վրա նստում էր ուտում:

Հիմի էստեղ ուրիշ տեսակ էր: Ինչքան էլ սոված լինէր՝ պէտք է սպասէր մինչև ճաշի ժամանակը գար, էն էլ ամենը ուտէին, ետոյ ինքը: Էդ անիծած ժամանակն էլ էնքան ուշ էր գալիս, որ խեղճի սիրտը քամ էր ընկնում, թրթռում:

Մին, երկու, տասը համբերելուց ետը նա սկսեց չորս կողմն աչք ածել խոհանոցում, թէ արդեօք մի բան չի գտնիլ ուտելու, որ սիրտը կանգնեցնի, մինչև ճաշի ժամանակը գայ:

Սկզբում ինչ գտնում էր — չոր հացի փշրանք, կրծած ոսկոր թէ ուրիշ բան, զցում էր բերանը: Մի քիչ յետոյ մտածեց խոհանոցի պահարանները որոնել: Ապա թէ սովորեց կերակուրի պղնձից կիսեփ մսի կտոր դուրս քաշել...

Բայց եթէ նկատէին... Ինչ վատ բան դուրս կը գար, եթէ նկատէին... Հապա ինչ անել... Թողնել, փախչել... Եւ Գիւորն սկսեց մտածել փախչելու մասին:

Բայց սնց փախչես, որ կողմը փախչես. մենակ, ճամփա չըղիտես, մարդ չես ճանաչում... իսկ հայրը...

2է որ նա էնքան շարժարեց, խօսեց, խրատեց. «օրեր են, որդի, կը մթնեն, անց կը կենան...»

Եւ անա Գիւորի գլխում հնչում է հօր խանձւած ձայնը, — «Օրեր են, կը մթնեն, անց կը կենան...» անց կը կենան...

Գրքի 7

4

Ջանգը տւին:

Գիբրորին ասել էին թէ երբ զանգը տալիս են, զնա տեսնի՝ ով կայ, ինչ է ուզում: Նա դուրս եկաւ, պատշգամբից նայեց, տեսաւ՝ մի պարոն ու մի բանի տիկին դուան առաջը կանգնած:

— Էդ ո՞վ էք, հէյ, — ձայն տւաւ վերեւից:

Ներքեւից վերեւ նայեցին:

Տիկինները ծիծաղեցին, իսկ պարոնը ակնոցներն ուղղելով հարցրեց:

— Աղջիկ պարոնը տանն է:

— Ի՞նչ էք անում, — հարցրեց Գիբրորը:

Ներքեւ ծիծաղն աւելի սաստկացաւ:

— Քեզ հարցնում են՝ տանն է, թէ չէ, բարկացաւ պարոնը:

— Բան ունէ՞ք,

էս ձայների վրա տիկինը դուրս եկաւ:

— Քրքրեւս դու, զնա դուռը բաց արա, շուտ, — ճշաց ու սկսեց անիծել Գիբրորին և իր ամուսնուն: Բայց շուտով հիւրերն երեացին և նա ժպտալով զիմաւորեց:

— Ա՛ բարեւ, բարեւ, ... էս ո՞ր խաչիցն էք, ինչպէս է որ մտաբերեցիք...

— Էս ո՞րտեղից էք գտել, — ոտից զլուխը Գիբրորին շափելով հարցրեց պարոնը, իսկ տիկինները շարունակ ծիծաղում էին:

— Ի՞նչ էք նախանձում, կուզէք ձեզ տանը, — կատակի տւաւ տիկինն

ու հիւրերը խնդալով ներս մտան:

Գիբրորին շտապով մի տեղ ուղարկեց ու նրանց ետևից իսկոյն ներս մտաւ և տիկինն նատօն:

Իրար առողջութիւն հարցնելուց ետոյ հիւրերն սկսեցին պատմել իրենց ներս մտնելու պատմութիւնը, և դուրս եկաւ մի ահագին պատմութիւն:

— Օ՛ֆ, սիրտս մաշել է, — գանգաւուում էր տիկինն նատօն. — թէ իմանաք՝ ինչ եմ քաշում ես դրա ձեռից... Ասում եմ՝ դուրս անենք կորչի, բայց դէ Արտեմի բնաւորութիւնը զիտէր էլի, ասում է՝ մեղք է, գեղացի երեխայ է, թող կենայ, մի կտոր հաց է, ուտի, կը սովորի... Ախր էլ երբ... սիրտըս մաշեց...

— Օ՛հ, օ՛հ, օ՛հ, էդ ծառաների բանն էլ մի ասիլ, — էս ու կնկողմից սկսեցին բողոքել տիկին հիւրերը:

Մի կէս ժամ խօսեցին դէսից դէնից, ծառաներից, քաղաքի նորութիւններից, բայց հէնց էդ ժամանակ ներս մտաւ քրտնած Գիբրորը:

— Աղջիկ պարոն, միջոց բերի:

— Հա, լաւ, զնա՛, — հրամայեց տիկինը կարմրելով, իսկ հիւրերն սկսեցին ծիծաղել:

— Աղջիկ պարոն, խաղէյինն ասում էք՝ բալը թանգ ա, հարկաւոր չի...

էս խօսքերի վրա հիւրերից ոմանք պորտկացին ու թաշկինակով բերաններին հուպ տւին, ո-

մանք էլ տանտիկնոջ խայտառակութիւնը ծածկելու համար վկայեցին, թէ իրաւ բալը շատ թանգ է, էս ժամանակին ով է բալն առնում: Ապա սկսեցին յանդիմանել, թէ ինչ հարկաւոր է միջոց, և ուտելու համար չեն եկել, ինչ են նեղութիւն քաշում...

Տանտիկինը մինչև ականջակոթերը կարմրած աշխատում էր մի կերպ եղածն ուղղել:

— Ով գիտի ինչ է ասել, չի հասկացել էս յիմարը:

— Ով սուտ ասի՝ գետինը մըտնի, — երգեց Գիբրորը, և ամեն բան լրացաւ:

5

Հիւրերին ճամփու դնելուց ետոյ տիկինն նատօն բարկացած, բարձր բարձր խօսելով վեր էր բազում սրբի սեղանը: Նա հայհոյում էր Գիբրորին, մէկ մէկ թւում էր թէ ինչեր է անում նա, անիծում էր իր բախտը, իր ամուսնուն:

— Ի՛նչ խամ է, որդի, կը սովորի, որդի... ինչի ես սիրտդ շուռ բերում... Ախ Աոտօժ, ինչի չես հողիս առնում, — հառաչում էր պառաւ դէղին:

— Երանի մի իմանամ՝ մարդու սրտի էս նեղացած ժամանակը դու ինչ ես խօսում... Խամ է, դէ զնացէք դուք շինեցէք, ես հօ ձեր դերին չեմ, — ձայնն աւելի բարձրացնելով պատասխանեց պառաւին հարսը և շարունակեց իր տըրտունջն ու անէծքը, մինչև ամուսինը տուն գար:

Ամուսնու ոտնաձայնը որ լսեց՝ սկսեց արտասուել, աւելի բարձր խօսել ու ամանները իրար գլխով տալ:

— Ասում եմ՝ դուրս արա, կորչի ես ծառայի բանն էլ կանեմ, թէ խնայում ես՝ փող տաս, կարգին խնայում ես՝ փող տաս, կարգին ծառայ բռնես... Լաւ է մարդ ծառայի տեղ էլ բաշ դայ, բան թէ ամեն օր էսէնց սիրտը շուռ բերի... Իմ թշնամին հօ չէս...

— Ի՞նչ է պատահել, — հարցրեց բազազը՝ տան մէջտեղը կանգնելով:

— Ի՞նչ պէտք է պատահի. էն էր մնացել, որ խալխի մօտ էլ մարդ գետինը մտնի, էն էլ արիւր էլ ինչ պատահի, — վրա թուաւ տիկինը և պատմեց բալի պատմութիւնը:

— Վա՛հ, — բացականչեց բազազը:

— Ա՛խ Աստօժ, — հառաչում էր բարի պառաւը՝ դէս ու դէն ընկնելով:

Բազազը Գիբրորին ձայն տւաւ: Թմփթում փացնելով Գիբրորը ներս ընկաւ:

— Մօտիկ արի, — կանչեց բազազը:

Գիբրորը վախեց նրա գոյնից, մնաց տեղը կանգնած:

— Քեզ ասում եմ՝ մօտիկ արի...

Գիբրորն էս անգամ շարժեց, բայց դարձեալ մնաց տեղը կանգնած:

— Տօ, արջի բոթոթ, ես բեզասում եմ՝ աղջիկ պարոնին ասա, գու գալիս ես դոնախներին ասում թէ բալը թանգ էր...

— Ես... ես... աղջիկ պարոնին... ուզում էր արդարանալ Գիբորը, բայց խօսքը բերանում՝ ապտակը հասաւ, աչքերը կայծակին տւին, գլուխը դիպաւ կողքի պատովն սւ վայր ընկաւ: Հէնց ընկած տեղն սկսեց բազազը ոտքել, անդադար կրկնելով— «բալը թանդ էր, հօր... բալը թանդ էր, հօր...»

Պառաւ դէզին գողգողալով մէջ ընկաւ, աշխատում էր ետ քաշել կատաղած որդուն, աղջիկ պարոնն էլ եկաւ, երեխաներն էլ սկսեցին ճշալ, բազազը ետ կանգնեց հեւ լով ու կրկնելով— «բալը թանդ էր, հօր», աչքերը միշտ շուտ անկիւնում կրծկըւած Գիբորի վրա, որ գողալով ու ցաւազին մրմնջում էր

-- Վայ, նանի ջան, վայ... վայ, նանի ջան, վայ...

6.

Տեսան տանը չի կարողանում ծառայել խանութ տարան Գիբորին: Այնտեղ ապրանք կրտային մուշտարիների հետ տանելու, չիթ կը ծալէր, խանութը կը սըրբէր, իսկ պարապ ժամանակը մուշտարի կը կանչէր:

Եւ ահա Գիբորը հաց է տանում խանութը: Կերակրամանը ձեռքին, մաշւած ու դժգոյն, մեծ մեծ ոտնամանները քաշ տալով անց է կենում կամուրջով: Նայեց ներքև: Քարանասարաների բարձր պատերին զարկելով ծառս էր լինում Քուռը, ոլորում, պտտում ու ճնշելով խեղդում, խուլ թշշում կամուրջի տակին:

Ափից մօտիկ պարտում էր մի կանաչ նաւակ: Երկու հոգի կային նրա մէջ. մինը ուռկան էր ձգում, միւսը նաւն էր կառավարում:

«Այ հիմի կը հանի», ասաւ Գիբորն ու կանգնած նայում էր ձրկնորսներին: Ուռկանը դատարկ դուրս եկաւ:

— Էս մինն իմ բախտիցը— ասաւ Գիբորն ուռկանը ձգելիս: Գիբորի բախտը դատարկ դուրս եկաւ:

— Էս մինն էլ մեր Ջաննի բախտիցը:

Էս էլ դատարկ դուրս եկաւ:

— Էս մինն էլ Գալօի բախտիցը: Գալօն էլ էր անբախտ:

— Էս մինն էլ բաս...

Բայց էտ ժամանակ մօտիկ քարւանսարայի դռանը ազմուկ բարձրացաւ: Մի պարսիկ կապիկ էր պարածում երգելով.

Այ արի, արի, մէյմուն,

ձիպտորդ սարի, մէյմուն,

Պառաւի պէս կուզի կուզ,

Ջահելի պէս պարի, մէյմուն:

Ժողովուրդը հաւաքել էր գըլխին ու վազում էին շորս կողմից: Գիբորն էլ վազեց: Աշխատեց կանգնած ժողովրդի արանքը մրտնել, առաջ անցնել, չըկարողացաւ: Վիզը ձգեց, պճեղների վրա կանդնեց ու ճգնում էր անպատճառ տեսնել թէ ինչ է կատարում մէջ տեղը:

— Ինչ ես ներս խծկում, տօլածիրակ, դնա բու բանին,— ասաւ մի կինտօ ու զարկեց Գիբորի գլխին:

Գիբորը յանկարծ սթափւեց ու վազեց դէպի խանութ:

7.

Իրիկունը Գիբորը կուշ էր եկել խոհանոցում: Դեռ արտասուրը չէր շամարել նրա երեսին, դեռ այրում էին խաղէյինի ապտակների տեղերը, դեռ նոր էր լռել աղջիկ-պարոնի ձայնը— շշշաջջընելով ներս մտաւ Վասօն, բազազի աշկերտը: Գիբորին նկատելով նա իսկոյն կանգ առաւ ու մասխարա դէմքին լրջութիւն տալով սպառնալի հարցրեց.

— Կուրբումն ուշացար, տօ արջի քոթոթ, թէ գուբերնատի մօտ վռազ դործ ունէիր...

Գիբորը գլուխը շէր բարձրացնում:

— Ասա մի տեսնեմ է, տօ...

Գիբորը լուռ էր:

— Ձեռ իմանում, տօ, որտեղ էիր է, որ էսօր ինձ քաղցած սպանեցիր. որ մեռնէի՝ ետոյ...

Էսպէս խօսելով կամաց կամաց մօտեցաւ, մի քիչ կանգնեց ու յանկարծ գարկեց Գիբորի գլխին: Գիբորը երկու ձեռքով գլուխը պաշտպանեց ու սեղմեց պատին: Վասօն պատրաստում էր մի ուրիշ ձեռի հարւած էլ հասցնելու, բայց դուրսը բարձրացաւ խաղէյինի ձայնը: Գալիս էր:

— Սրա տես հիմի բեզ ինչ է անում,— սպառնաց Վասօն:

«Հիմի ինձ կը սպանեն», անցաւ Գիբորի մտքովը, ու խեղճի հոգին տապ արաւ:

Խաղէյինը արդէն բաւական ծեծել էր խանութում, այժմ միայն հրամայեց հաց չըտան, որ իմանայ թէ ինչ բան է քաղցածութիւնը: Վտանգն անցաւ:

Գիբորը հանգստացաւ, թէև լըսում էր աղջիկ-պարոնի ձայնը, որ ճշում էր.— Ախր ընչի՞ ես պահում, դուրս արա կորչի էլի, դուրս արա կորչի...

8.

Գիբորը կծկեց վերմակի մէջ, գլուխը կոխեց տակը, տապ արաւ: «Առանտակ զիշեր

բոլորովին բուն չունեմ,

Ինձ տեսնողը

կարծում է թէ տուն չունեմ,

վայ, տուն չունեմ...»,

իր երգը երգելով Վասօն հաց էր ուտում: Գիբորը վերմակի տակից երբեմն դգոյշ ծիկրակում, թաբուն նայում էր նրան կրկին աչքերը ծածկում: Նա էն օրը հաց չէր դրել բերանը. ծեծւել ու լաց էր եղել, այժմ էլ քաղցած պառկեց, ու բունը չէր տանում:

— Հը, սնց ա, սոված քունըդ չի տանում. հա, էդպէս...— նկատեց չարանճի Վասօն ու մի կրտոր հաց ու պանիր տաւ Գիբորին:— Դէ, առ, տեղի տակին թաբուն կեր, խաղէյինը չիմանայ:

Գիբորը յափշտակեց հաց ու պանիրը, գլուխը կոխեց տեղի տակը, թաբուն ուտում էր ու մըտածում: Մտածում իրենց տան վրա, էն օրերի վրա, երբ ազատ խաղում էր հանդերում ու լիա-

սիրտ հաց ուտում, մտածում էր
էն երեկոնների վրա, երբ հէրն ու
մէրը կուում էին իրեն բաղար
բերելու համար... Իսկ մայրը լաց
էր լինում, չէր ուզում...

—Ախ, նանի ջան, ինչ լաւ էր
սիրտդ իմացել, — հառաչում էր
Գիբորը տեղի տակին ու հաց ու
պանիրն ուտում ահանջը սրած,
թէ խաղէլինը հօ չի գալի...

Իսկ առաւօտը կանգնած էր
խանութի դռանը...

9.

Խանութի դռանը կանգնած
ձայն էր տալիս Գիբորը, մուշտարի
կանչում աւ բարձր ձայնով գո-
վում իրենց ապրանքը:

—Կանչի է, տօ: Ինչ ես մնջւել,
մնացել կանգնած: Բերանումդ հօ
ջուր չը կայ:

—Էստի համեցէ, էստի հա-
մեցէր... — կանչում էր Գիբորը:



Էստի համեցէր, էստի համեցէր...

Ներսը ծիծաղից թուլանում էին
նրա վրա:
Նրան սովբեցրել էին, որ մուշ-

տարի քաշի դէպի իրենց խանու-
թը: Եւ նա յաճախ բռնում էր էս
կամ էն անցորդի փէշից, կոպիտ

ու յամառ սկսում էր քաշել դէպի
խանութը, և բաց չէր թողնում,
մինչև որ մարդը դուրս էր գալիս
համբերութիւնից: Գալիս էր դար-
ձեալ իր տեղը կանգնում ու կան-
չում:

Ամառւայ տօթ օրերին, խանու-
թի դռանը երկար կանգնելուց յոգ-
նած, նա երբեմն նստած բնում էր
խանութի առաջին դարսած չթե-
րի վրա:

Էդ ժամանակ չարածրճի ընկեր-
ները կամ հարեանները բռնօթի
էին բռնում նրա ըթի տակը:

Նա փուշտալով վեր էր թռչում:

Չոզից թմրած վաճառականնե-
րը զարճանում էին: Իսկ խաղէլի-
նը կուշտ ծիծաղելուց յետոյ ձայն
էր տալիս:

—Քնում ես, տօ, արջի քոթոթ,
կանչի է...

—Էստի համեցէր, էստի համե-
ցէր, — ձայն էր տալիս շրշկլած
Գիբորը և ներսը ծիծաղն աւելի
էր սաստկանում:

10

Մի օր էլ Գիբորը երբ մուշտա-
րի էր կանչում՝ զիմացից երկու
գիւղացի դուրս եկան: Նա վազեց,
փաթաթեց գիւղացիներին:

—Այ տղայ, իսկի ճանանչեցի
ոչ, էս ինչ բան էր, — զարմացած
բացականչեց գիւղացիներից մի-
նը ու դարձաւ ընկերին:

—Բազօ, դու կրճանանչէիր...

—Ես աչբերիցը կը ճանանչէի,

— պարծեցաւ ընկերը:

Ճշմարիտ, որ Գիբորը շատ էր

փոխւել, ատ էր մաշւել: Ինքն էլ
էր փոխւել, շորերն էլ: Դժար էր
ճանանչելը:

—Այ տղայ, էս կարգին մարդ
ա դառել... հալա սրա շորերին,
սրա շնորհքին... — հիանում էին
գիւղացիները:

—Համբօի հողը մեր գլխին. տես
նա իր տղին սրտեղ հասցրեց, մեր
տղերըր էնտեղ խոզ են արածաց-
նում...

Այն ինչ Գիբորը իրար ետե-
լից հարցնում էր:

—Իմ մէրը սնց ա... մեր երե-
խէրը սնց են... իմ հէրն ընչի՞ չե-
կա... մեր կովը ծնել ա թէ չէ...
մեր զեղումն ո՞վ ա մեռել...

—Ամենն էլ լաւ են, շատ բա-
րով կանեն, — պատասխանեցին
գիւղացիք: — Էն ա Սուրբանց Դու-
կասը մեռաւ, մին էլ Պուճուրանց
պառաւը, մնացածը լաւ են:

—Բա իմ հէրն ընչի՞ չի գալիս:

—Քու հէրը լաւ ուզում ա, ամա
սնց գայ: Ինքը մենակ մի մարդ ա,
սաղ տան ջափէն վրէն...

—Բա բան չեն դարդէլ...

—Ինչ ունեն, որ ինչ դարդեն,
դու ձեր տան բանը զիտես ո՞չ:
էս տարի էլ հացը բարակ էր,
խեղճ հէրդ զօրով ծէրը ծէրին ա
հասցնում: Նրանից ի՞նչ ես ու-
զում: Թէ ունիս, դու դարդի. հրէն
խարջ են ուզում — ձեռին գրօշ
չունի:

—Հօ մեր տանիցը ոքմի չի հի-
ւանդացել:

—Չէ, էն ա ձեր Ծագիկ կովը

Միջոցանց գոմի փլեկովը ներքև ընկաւ սատկեց:

— Ծագիկը սատկեց...

— Խեղճ մէքըդ էնքան լաց էլաւ աչքերն ուռան:

էս ասելով գիւղացիներէց միներ մի նամակ հանեց տաւ Գիբորին ու ասաւ.

— Հիմի ի՞նչ ես ասում. մենք էլ քեզ տեսնիլ չենք, գնալու ենք. թէ մօրդ կամ քուորդ համար բան ես դարգելու, տուր տաններ:

— Ռ՞րտեղից բան դարգեմ, դեռ փող չեմ ստանում... ամա...

— Ամա ի՞նչ...

— Ուզում եմ ես էլ դամ ձեզ հետ: Համ մեր գեղին, համ մերանդ կարօտել եմ, համ էլ...

— Վայ, վայ, մենք հէնց իմացանք՝ ո՞րդ ես դառել, խելօրացել ես... էդ տեսակ բան կասեն: Էստեղ քեզ համար աղափարի ապրում ես— շորերդ թագա, ոտն ու ձեռքդ խտակ... Մենք ասում ենք մեր երեսանցն էլ տեղ անես բերենք, դու էտ ի՞նչ ես ասում: Էն որ ասել են «խողի գլուխը դրին խալիչին, գլորեց ետ ցեխն ընկաւ.» հալալ քեզ համար են ասել:

Էսպէս յանդիմանեցին գիւղացիները, խրատեցին, միաս բարով ասին ու գնացին:

Նրանց գնալուց յետոյ Գիբորը իր անկիւնը քաշեց ու բաց արաւ հօր նամակը:

«Իմ սիրելի որդի Գիբոր ջան. ի քաղաքն թիֆլիզ:

«Մենք ողջ և առողջ ենք, միայն բու ողջութիւնն ենք ուզում, ամէն: Քեզ շատ կարօտով բարով են անում Ապին, Նանը, Ջանին, Մօսին, Միկիչը, Գալօն, ամէն: Մեր սիրելի որդի Գիբոր. ա՛ ա իմացած լինես, որ տեղներս շատ նեղ ա և խարջը սաստիկ ուզում են և փող չենք ճարում, և Նանն ու Ջանին տկլոր են և տեղներս շատ նեղ ա:

«Գիբոր ջան, մի քանի մանէթ փող դարգի և շոր դարգի և մի զիր դարգի քո որպիսութիւնիցը: Եւ իմացած ըլես, որ Ծագիկը սատկեց, և Նանն ու Ջանին տրկլոր են:»

Նամակը կարդաց ու տեղը կանգնած միտք էր անում Գիբորը. դարդ էր անում իրենց տան համար: Միբտն այրում էին նամակի տղերը:

— Նանն ու Ջանին տկլոր են... Տեղներս նեղ ա...

— Կանչի է, տօ, ի՞նչ ես վերացել, ուշքդ հեաները գնաց... — ձայն տւին ներսից:

— Է՛ստի համեցէք, էստի համեցէք, կանչում էր Գիբորը խանութի դռանը կանգնած:

11.

Չմեռը եկաւ: Սառն աղմուկով ձիւնախառ բուրը թռչում է քաղաքի վերով: Փողոցներում սուրում, սուլում, հոսան է անում: Վզգալով մտնում է անկիւնները, աղբատի ու տկլորի է ման գալիս,

պանգուխտ ու անտէր երեխայ է սրնում:


Ահա գտաւ Գիբորին:

Մի բարակ բլուզ հագին խանութի դռանը կանգնած ձայն էր տալիս նա.

— Է՛ստի համեցէք, էստի համեցէք...

Հիւանդ պառկած էր Գիբորը բազազ Սրտեմի խոհանոցում: Պառաւ դէղին օրը մի քանի անգամ ներս էր մտնում իրեն իրեն խօսելով:

— Ի՞նչ կուգես, որդի Գիբոր: — Չուր...



էտ ի՞նչ ես էլել, Գիբոր ջան...

— Ղէս սս... — չարախինդ սուլելով ցուրտը աներևութ թրի նման, զարկեց անցաւ ոսկորները, ու Գիբորը գողաց:

Առանց էն էլ նա շատ էր մաշկած. էգբանն էլ հերիք էր նրան: Ու անկողին ընկաւ:

Դէղին ջուր էր տալի: Հիւանդը դողդոջուն ձեռներով բռնում, ազահ խմում էր ու կրկին ուզում:

— Էս սիրտս հովացնում չի, դէղի... ես մեր աղբրի սառը ջրբիցն եմ ուզում, դէղի... ես մեր տունն եմ գնում... ես իմ նանին եմ ուզում...

Բազազ Արտէմը Լցաւի մէջ էր ընկել: Նա դէս դէն ընկաւ, նրանց կողմերից մարդ գտաւ, ապապրեց, որ Համբօն գայ, իսկ Գիբորին տա- բաւ քաղաքային հիւանդանոց:

Էնտեղ շատ հիւանդներ Լային շարքերով պառկած: Տխուր տըն- քում էին ու իրար նայում անգոր հայեացքներով:

Գիբորին էլ պառկեցրին նրանց շարքում:

Էստեղ գտաւ նրան հայրը:

— Էտ ինչ ես էլի, Գիբոր ջան, — մղկտալով վրա ընկաւ Համբօն:

Գիբորը տարութեան մէջ շիմա- ցաւ հօր գալը:

— Գիբոր ջան, բա եկել եմ է, Գիբոր ջան... ես բու ապին եմ է...

Հիւանդը ոչինչ չը հասկացաւ: Նա զառանցում էր ու զառանցանք- ների մէջ կանչում էր— «Միկիչ, Ջանի, Ապի, Նանի...»

— Էստեղ եմ, Գիբոր ջան, նա- նը զարկել ա, որ բեզ տանեմ մեր տունը... գալիս չես... Միկիչն ու Ջանին հրէն կտերը կանգնած քեզ ճամփա են պահում: Ինչ ես ա- սում. դէ խօսա է, Գիբոր ջան...

— Էստի համեցէք, էստի համե- ցէք, — բացականչեց հիւանդը, զա- նազան անկապ, կցկտուր խօսքեր ասաւ ու ծիծաղում էր տարու- թեան մէջ:

Մի երկու օրից ետոյ Համբօն գնում էր իրենց գիւղը:

Նա թաղել էր Գիբորին ու գը- նում էր: Կռան տակին տանում էր նրա շորերը, որ մայրը լաց լինի վրէն: Շորերի գրպաններում մի բուռը փայլուն կոճակներ, նախ- շուն թղթեր, չիթի կտորներ ու մի քանի բորոց գտան: Էն էլ, երեի, բրոջ— Ջանիի համար էր հաւարել ու պահել...

Գնում էր Համբօն ու մտածում: Շատ ժամանակ չէր անցել, որ էդ միևնոյն ճափմով քաղաք եկաւ իր Գիբորի հետ: Ահա էստեղ էր, որ նա ասաւ.

— Ապի, ոտներս ցաւում են... եւ ահա էն ծառը, որի տակ նստեցին հանգստանալու...

Ահա էնտեղ էր, որ ասաւ.

— Ապի, ծառաւ եմ...

Ահա էն աղբիւրն էլ, որ ջուր խմեցին...

Ամենը, ամենը կան, մենակ նա չը կայ...

Միւս օրը, երբ Համբօն անց- նում էր լեռները՝ հեռում երեաց իրենց գիւղը:

Գիւղից զուրս կանգնած սպա- սում էին Նանը, Ջանին, Միկիչը, Մօսին, իսկ փոքրիկ Դալօն մօր գրկից կանչում էր.

— Ալի, ալի, հէ Գիբոր...

0

« Ազգային գրադարան

NL0396409

8870

